



12228

江湖後集卷十三

會由基

由基三山人

題畫梅水仙山礬三友圖

野梅清靖節水仙韻坡公山谷秀而野厥有山礬風陶  
蘇黃三君時異風味同後人思典刑寫入畫圖中

贈貴官家小姬

小蠻初按曲趁拍入涼州宮羽偶失次回眸顧部頭部  
頭色微嗔面赭含嬌羞低鬟語同伴周郎曾顧不

江湖後集卷十三

一讀畫齋正本

周坡仙鬱孤臺韻送鄭繡使還朝

人人羨登仙去作上界遊誰知世蒙恩公其晦叔流眾

芳正回春一葉偶似秋靈修豈數花宿莽休檻洲卻憐

貪榮人前後幾蜃樓策今陳洛陽封事疏寫諛滄州曾南

豐久在外滄州疏太諛聞闔浮雲開臺閣清風畱所期共推慶歷

車可復偏重元祐舟

賀林正字

道山羣玉聚前輩說乾淳近代豈乏士清時賴有君誰  
傳艾軒派喜得嫡孫親所欠非榮進名流萬古芬



遊益公平園懷宜春周宰頌

丞相非嗔客名流每舉樽魚烹惟沼在鶴化有軒存惜  
欠堯夫子幸生夷簡孫

宜春宰乃益公姪孫

平泉落誰手文獻說

平園

病起幽園檢校

病起無情緒池邊日幾回蟲聲低覆草螺殼細生苔暑  
退蘆將變秋殘蓼續開久消環繞迹全若未嘗求

送廣西鄭經幹并簡經略

五嶺宜人人地君今捧檄行但拚窮徹骨不到黯無聲婉

江湖集卷三

二讀畫齋正本

畫從違裏編氓休戚情祖筵誰執爵三祝石先生

古寺

殘經閒竹几淪茗供花資法窟寂無語禪容晚帶饑蟲  
縈道子畫蛩響外孫碑風定聞疎磬玄關卻自知

趙歲寒昆季三人拉李學諭余同遊南湖次歲

寒韻

紫麒麟植豈身榮腹有詩書氣便清野酌雅宜招勝士  
貴遊大半是宗英主翁舊有登堂約古樹今知夾道迎  
賸欲索梅同一笑卻隨畫角弄初更

宦轍

宦轍馳驅塵滿襟  
解鞍呼酒小登臨  
天垂碧處秋江淨  
山弄紫時西日沈  
韓記合還渠老手  
王詩似不要新吟  
携天拄地吾儒事  
過耳飛禽空好音

與中朝故人

自憐骨相太遭逆  
爲米折腰依舊貧  
古史多看多警省  
新詩愈改愈精神  
與遊造物真知己  
怕說天朝多故人  
蘭菊有時忙不得  
世閒桃李幾番新

胡講書赴張國祿講席之招良月也

江湖後集卷十三

三讀畫齋正本

初日融霜泮水清  
鵠袍翔集宿中庭  
先生有道如陽月  
太白占祥聚德星  
安定重來闡湖學  
橫渠端坐講西銘  
自憐一唯無傳久  
避席何時覲典刑

送玉堂守永嘉

袞袞諸公塞要津  
獨當椽筆演絲綸  
久陪清禁聊均佚  
誰道明河不可親  
畿郡喜迎賢太守  
帝旁卻欠直詞臣  
逸才畢竟九天憶  
應謂禁中須此人

余秋責余不歸責之誠是也  
余非敢忘鄉井而  
荅以是詩

兔狡應多穴狐妖解首邱一巢鳩樣拙何計老菟裘

西湖冰合忽見小舟

四望黯同雲平湖墮銀漢一葉柳邊來應是寒澌泮

嘲蠟梅

孤芳不被雪霜欺占得南枝最崛奇氣骨不凡風韻少

呂鑿初見退之詩

聚景園追涼

五雲縹緲護簷牙不是尋常富貴家樹樹風蟬涼意足  
衣巾時復墮槐花

江湖後集卷十三

四讀畫齋正木

題昌黎傳後

唐治百年生退之行藏端的係興衰三書何用于時宰  
天使斯人欲有知

題潘庭堅樂府後奉簡陳僉書

性靈底物堪陶冶郢曲彌高和彌寡錦囊勿使六丁偷  
會有昌黎賞東野

晚思

風號谷應樹聲喧陰雨瀟瀟南北村倦翼投林舟宿港  
滿懷秋思立黃昏

題陳步祀寺

幽泉落竇碎瓊聲疑是朝天環珮鳴  
遶寺杉松皆雨露不應秋葉似恩輕

題御愛牡丹

天香不數魏姚家玉砌雕欄護絳紗  
聞說弓旌遍巖穴憐才應是勝憐花

王諶

諶字子信陽羨人有潛泉蛙吹集

上之間

江湖後集卷十三

五讀畫齋正本

緇吉辰薦明廷祇中壇賓萬靈醮祠壽宮禮太一東祀  
天孫西太室靈芝寶鼎胙元封親郊雍時回中峯中峯  
絕嶮天所劃百神驅導平如席雲髻秀革高拂空翠輦  
玉鸞鳴霹靂試憑蕭關望朔方月支稽首樓蘭降復朝  
獨鹿狩鳴澤芬樹羽林歸建章建章壁門春晝永井幹  
泰液多游幸千秋萬歲柰樂何幾度鸞旗出安定

張守送酒次敬字韻作詩謝之遊北山

有客可與遊闕酒得無病豈意四從事過我不待請洗  
杓挹風度免慙林花盛公學此味如渾厚兼醇正公量

虛谷如有來良善應宵分兵厨歷少佐筆力勁罷營杖  
頭錢徐取松閒徑登臨舊能賦七發踵枚乘此興老未  
衰西日尚餘映風怒雷再鼓雲破天一鏡山花下野鳥  
詩題一堪命府公文章伯聲稱聳羣聽明朝倒錦囊非  
是庶所訂豈伊綵鳳鳴而聆露鶴警定知謝東山凡百  
易子敬

黃雀

畢逋秦氏烏差池吳宮燕秦人挾彈巢若危吳宮遺火  
巢空散不知野田雀終日茅簷角卑棲俛啄蓬艾閒不

江湖後集卷十三

六讀書齋正本

畏鷹鷗與繪傲

贈茅也休

逢人說也休舉世任沈浮清磬野雲曉素琴山月秋詩  
材頻料理世事不經求每向滄波上時時戲鴨鷗  
覲面祇談道知音不和詩盈樽清竹葉圍坐古梅枝煮  
茗雲生鼎抄糜雪滿匙張山山水落何日又追隨

贈括蒼季此翁

君來古括州吳楚一筇遊衣染匡廬碧詩清雁蕩秋山  
行尋隱逸野坐傲公侯不欲攜書獻文章生古愁

次韻謝惠山村送水仙

自是神仙客梅花亦讓清  
綠隨雲葉重黃映雪花輕  
襪小凌波穩杯斜帶露傾  
一枝來贈我吟几覺春生

早行

曉入荆溪路西風快似刀  
雪深埋樹脚水淺見溪毛  
歲序相將換人心只自勞  
牧童牛背卧令我愧兒曹

送薛端夫赴武學舉

溫然如美玉文以武兼之  
發鏃妙穿的揮毫不待思  
行途多早氣參學已秋期  
捷報重陽近黃花汎一卮

江湖後集卷十三

七讀畫齋正本

煮筍

案有磨人墨囊無使鬼錢  
難教典班史只可折花鈿  
破屋日多雨顏簷夜見天  
山童因煮筍庖下始生煙

飯罷

飯罷扣松關襟懷分外寬  
凍雲深擁寺寒瀨淺鳴灘  
苔剝碑文字香縈古篆盤  
尋春難著句爲怕起愁端  
雪意猶商略溪雲半有無  
短莎眠野犢枯樹點寒烏  
牢落詩仍在蕭條歲已徂  
過門人挽住相倩寫桃符

柳絮

解作漫天雪終成滿地灰行空無罣礙入幕任徘徊巧  
趁蜂鬚去輕隨燕翼來顛狂渾不定飛舞過樓臺

北林

經行到北林此地轉驚心小市魚鯁貴荒村竹樹深帆  
檣侵柳影層屋占溪陰詩罷還飛去沙鷗識苦吟

宿北山

兀坐苦無營乘閒偶訪僧山深雲作伴菴迴石爲朋古  
木含蒼蘚幽花落翠藤昏鐘三扣罷童子上香燈

四壁靜無人悠然夜不驚龕燈光焰薄紙帳夢魂清有

江湖後集卷十三

八讀畫齋正本

月山猶暗無風松自鳴結茅終隱此高枕待升平

入邑

馬踏新松影衣沾秀麥寒藤花綴纓珞竹筍透琅玕詩  
向閒中得心因靜處寬一聲幽鳥轉深在翠林端  
野蔓侵沙徑山泉渡石梁樹頭蠶甚熟籬下雀梅香人  
與春光老閒隨日影長撚鬚吟不就窮殺孟襄陽

題褚道士雪巘詩卷

五言與七字句句總清新但得詩囊富何憂客路貧梅  
花一巘雪瑤草半巖春著我司盟去吟邊養病身

酌趙懶翁求墨

會面苦無因，緘書意亦勤。  
相望七十里，僅隔一重雲。  
有句來求墨，得詩如見君。  
從知相憶夢，花下擬論文。

道傍廟

荒祠存玉像，畫壁剝蒼苔。  
額古名難問，村空祭不來。  
亂鴉號古木，鬪雀冒浮埃。  
猶有人求琰，西風動紙灰。

生日

又是逢初度，紅稀綠暗時。  
自斟生日酒，閒理去年詩。  
活計惟書在，衰容只鏡知。  
人情與天道，翻覆似枯萁。

江湖後集卷十三

九讀畫齋正本

旅中述懷

未晚僮先卧，無聊自展衾。  
一燈愁裏夢，數首客中吟。  
鄰舍誰歌曲，譙更遠送音。  
秋風催素髮，憔悴滿華簪。

到此

到此添離恨，垂楊已拂肩。  
擔輕緣少鏹，衣暖欲抽綿。  
春事遽如許，客懷殊未然。  
竹籬沽酒市，雨溼杏花煙。

乍歸

去日猶殘雪，歸來夜氣清。  
閒隨白雲出，看到綠陰成。  
野色供詩料，山光快客情。  
路逢鄉父老，駐足問行程。

過山家

此地知誰隱，當門列翠屏。栽花多是藥，題壁半書經。栗鼠咀紅果，山禽墮翠翎。峯頭空眺望，只欠小茅亭。

簡劉吉父

長安爲客者，皆是利名人。只有君同我，惟添病與貧。秋風籬下菊，夜雨水邊蓴。擬共租船去，歸家趁小春。

簡章伯和

論交三十載，彼此坐詩窮。只恨性各別，其他心盡同。茶苗封穀雨，書葉寄蘋風。無限懷君意，鶯聲綠樹中。

江湖後集卷十三

十讀畫齋正本

舟行卽事

釣艇橫溪水，漁罾搭槿籬。年豐翁自樂，酒熟客先知。涼吹生蘋葉，斜陽戀竹枝。苦吟渾未就，倚柂立移時。

荅章伯和問疾

伏枕屢經旬，醫庸藥不靈。自從春意動，纔覺病魂醒。露洗桃心赤，風指柳眼青。勞君相憶夢，每夜到巖扃。

贈筆工

試子玉簪筆，他工總不如。毫長宜貯墨，管淨可抄書。汝自誇淮兔，吾猶註魯魚。鬢毛斑白盡，心折正緣渠。

吳江橋

松江期一到二十二年今日身臨此憑虛骨欲仙塔  
連吳苑樹帆帶洞庭煙見說鱸魚美囊無斫鱠錢

招玉淵

欲言非一事曉夕待君來吟屋新裝辦開門未敢開春  
光歸巷陌山色入樓臺猶有梅花在相期把酒杯

題詩僧亞愚眉白集

向來已觀集今見自吟詩天下有清論僧中真白眉淡  
如秋水淨濃比夏雲奇慎勿輕拈出常人罕見知

江湖後集卷十三

十讀書齋正木

到李山寺

策杖扣禪坊空山草木長殿荒人瞰席僧去佛無香榆  
樹苔衣綠松花粉穗黃茲行無伴侶獨自繞脩廊

爲簡上人賦古色軒

簡師得道不參禪燕坐常居古色軒夏禹告功遺跡在  
任公垂釣有車存海通泉洞深千尺寺映重巖月一痕  
何日短筇塵外去瓣香來此扣元門

小舟呬啞渡橫塘十里秋畦粳稻香莫怪雨聲驚客夢  
要催詩句入行囊重過蘋水浮波綠遙見菊籬花正黃

佳節莫論重九後  
艤篷獨酌汎茱觴

虎丘

晉王珣故宅在此

五百年前吾祖宅  
雲孫從昔未曾經  
山藏古寺窻連碧  
水繞平田稻正青  
臺染夜雲微帶潤  
劒涵秋水尚餘腥  
僧堂借得羊毛筆  
自蘸寒泉寫石屏

遠出乍歸

五旬行李經吳越  
四月風光正惠夷  
綠水悠悠晴脈脈  
青條總總實離離  
飛來何處雙黃蝶  
叫切他山一子規  
卻把閒身成倦客  
關心書几晝長時

江湖後集卷三

十一 讀書齋正本

簡吳若清

絲桐挂壁戶常扃  
雅弄深防俗耳聽  
滴露研朱重點易  
焚香炷火細翻經  
山含晚色千峯紫  
松傲新霜一派青  
獨向巖扉抱高隱  
有誰能識少微星

舟行

前面人家是畫圖  
數閒茅屋映菰蒲  
濛籠雲裏羣峯出  
欸乃灘邊一棹孤  
歲熟農人還自樂  
天晴水鳥競相呼  
絕憐兩岸垂絲柳  
比卻來時一半枯

次岳尚書韻

細字書橫雙眼明破窻閱盡幾陰晴年來干祿渾無夢  
老去吟詩尚有情謾向紙田耕石硯斷無金縷侑銀觥  
和篇聊博先生笑應笑寒儒太瘦生

寄王仲衡尚書

世態翻雲覆雨閒令人合眼夢還山生平名義入肝膈  
歲晚師門要面顏鷗鷺波寬雖有約鳳凰城近可容閒  
畱年看試調元手未擬安仁賦拙艱

歸山

特地捫蘿入翠微楊花故故點征衣遊人盡逐暮光去

江湖後集卷十三

十三讀畫齋正本

野老獨攜山色歸擬泛銀濤浮浩渺難尋玉貌問芳菲  
吳亡越伯渾休問且買清樽送落暉

畱山菴

遙山一望青如染到得山邊卻不清松徑有風常自掃  
巖扉入夜不曾扃燒殘柏子重添火沽得村醪旋倒瓶  
卻羨山僧無一事日長簾下自翻經

病起

連日新晴愜病懷踰藏一室絕纖埃出來未得寒猶在  
窮不柰何春又回酒盞漸疎朋舊少紙簾不爲俗人開

日長自有閒工課汲水銅瓶浸古梅

借樓

借得小樓聊寄蹟夜深猶自未扃扉鼠搖暗壁驚人夢  
螢度破窻黏客衣舊隱圖書從水汎後園松菊與心違  
思量應被沙鷗笑煙雨滿船胡不歸

題雲海亭

二十年前曾到此重來又是晚春時蘆因水長全然短  
山被雲遮分外奇漁艇添成古圖畫鴈行點破碧琉璃  
布衣憔悴江湖客閒倚欄干自覓詩

江湖後集卷三

古讀畫齋正本

秋風

去年相遇釣魚磯今歲飄飄又入扉渡月薄侵蟾兔冷  
拂雲輕助燕鴻飛逗迥迥餘響驚殘夢催促新寒上袂衣  
欲把絲桐傳此曲破琴弦斷損金徽

泛苕溪

六幅蒲帆去似飛浪翻新漲綠浴堤一川水墨王摩詰  
十里鶯花杜牧之雲遶楚宮春雨後煙籠秦樹晚晴時  
人生來往情何極江北江南酒一卮

遊善區寺

閒來古寺欲忘歸，無柰征塵染素衣。  
綠葉雲稠荒澗水，白雲青溼舊禪扉。  
窗涵遠色明丹篆，鐘冒嵐煙入翠微。  
盛世登封今已矣，斷碑無語對斜暉。

友人招飲

故人邀我共清樽，躡屐歸來已半醺。  
無限雨聲供醉筆，一窗燈影共誰分。  
銅瓶火煖鳴天籟，寶鼎香殘拂岫雲。  
今夜夢魂清更甚，扁舟冷伴白鷗羣。

入山

入卻山來事事宜，眼邊何處不關詩。  
風飄花片上書冊，

汪後集卷十三

五讀畫齋正本

水浸山峯入硯池，酒欲飲時斟易盡。  
葦葦當勝處，著嫌遲。箇中自有無窮趣，莫遣兒曹取次知。

送墨與則上人

遣送書齋小淨瓶，麝煤藏久帶芳馨。  
難書八萬四千偈，只寫多心一卷經。

茗溪舟次

扁舟煙重冷漁蓑，兩岸人家浸小河。  
芳草自生春自老，落花隨雨晚風多。

山菴卽景

一炷清香一局棋坐看山雨到來時  
晚晴獨步出門去  
雲挂碧青松樹枝

十月晦日睡起

睡起西窗午正蹉小春天氣尚融和  
顛狂絕笑簷前蝶  
不道殘陽已不多

次亞懸韻

萬里春光眼界明半牕斜日醉魂醒  
有時夢入廬山去  
瀑布聲中拄杖行

絲絲楊柳拂輕煙那惜牀頭買酒錢  
此段風流如不賞

江湖後集卷十三

六讀書齋正本

一般佳致又明年

梅臉爛斑褪粉妝桃心依約暈輕黃  
春風花草經行遍  
次第安排到海棠

寒梅一樹照清池花底媽香尚覓詩  
稚子不知吟思苦  
卻來池上數魚兒

嘉熙戊戌季春一日畫溪吟客王子信爲亞懸

詩禪上人作漁父詞七首

蘭芷流來水亦香滿汀鷗鷺動斜陽  
聲欸乃閒鳴榔儂  
家只住岸西傍

翁嫗齊眉婦亦賢小姑顏貌正笄年頭髮亂髻鬟偏愛  
把花枝立柂前

湘妃淚染竹痕斑風雨連朝下釣難春浪急石磯寒買  
得茅柴味亦酸

滿湖飛雪攬長空急起呼兒上短篷蓑笠具畫圖同鐵  
笛聲長曲未終

離騷讀罷怨聲聲曾向江邊問屈平醒還醉醉還醒笑  
指滄浪可濯纓

白髮鬖鬆不記年扁舟泊在荻花邊天上月水中天夜

江湖後集卷十三

十七讀畫齋正本

夜煙波得意眠

只在青山可卜鄰妻兒語笑意全真休識字莫嫌貧方  
是安閒第一人

李自中

自中字文仲盱江人有秋崖吟藁

篔簹萬箇黃雀每棲息其上一息風雨颯至忽

聞有殺聲呼童眎之乃鼪嚙也故爲之賦黃頭雀

黃頭雀背交交尾倬倬突然散去雲路邈東村四面禾

黍稠欲下未下驚呼儔牛羊上山鷄犬睡翩翩蹇步來

相求日斜深塹有羅網投宿青冥依篠簜沙鳴羊角轉  
崢嶸蹴踏虬枝猶倔彊誰知簷下息爾軀夜半瀝血逢  
精飽脣焦舌爛救不得一縷性命才須與君不見螿螂  
捕蟬上高樹企足昂頭忘反顧人生吞噬更可憐臘月  
未窮誰悔悟

初夏旅況

南山北山雨濛濛鎖斷翡翠千萬重茅簷剝啄鳥未散  
練帶野水來相衝土堦莎草如箭鏃冷透篔簹清入骨  
雷公挾斧渡長河拋擲牟尼三百斛一身蒲柳寄天涯

江湖後集卷三

六讀畫齋正本

白雲何處栽胡麻江湖夏潦魚鼈亂錦袍夜月乘仙槎

麻姑山作

小小茅簷下清吟對此君溪深春漲雨山閣夜藏雲地  
溼松花冷天晴樹色分敲門尋道士鷄犬隔籬聞

送曾景建道州聽讀

晚節傷弓未足憐江湖因此累諸賢名標宇宙千年在  
事屬朝廷萬口傳湘水有情空引些春陵無事早歸田  
多年浪說飛昇識不擬如今尚悄然

景建常爲余言某  
年某月某日曾極

飛昇有金  
篆符識

題南康縣山寺

絕無常住只隨緣石榻焚香向佛前  
風折碧梧能幾日鶴巢白塔已多年  
無人去剗階邊草有客來探井底泉  
休笑空門長寂寂近時地上也流錢

南昌樓贈符子威

占得南樓第一涼焚香終日話蒼茫  
客來酌酒烹茶外雜採山花供藥王

春曉

門瞰青山侵草開苦吟吟上最高臺  
春風誰遣鄰家去

汪湖後集卷十三

五言讀畫齋正本

成陣落花吹過來

董杞

杞字國材番陽人

遊招真觀

溪旁老子宮古松奮蒼鬣脩逕煙霏深  
中巖祠像設巖頭流雲漫千丈藤蘿結  
猿猱躍其間手疑攀日月巖下緩經  
行人間諸想滅文楸飛電鏗朱弦浮磬  
徹此山宇宙初誰擘坤軸裂六丁曾一  
戲萬古畱洞穴仙翁昔此樓還丹成  
白雪佩還昇倒景遺臺猶岌巖菊秋風  
日佳

歸艤雙槳歇便欲蒞三閩於此謝塵劫

水泛及門用老杜江漲韻

雨聲喧晝夜不斷洶簷流離落維孤艇溪湖失舊洲訪  
君無去路狎我有來鷗濤浪相欺得衝門鼓白頭

西園

何處西園好樓雄說媚川村環春色水樹帶夕陽天客  
促雲閒棹漁吹浦外煙且來窮燕賞著句剩流傳

用洪憲韻自述

壯志摩雲一劍閒欲屠石堡斬樓蘭功名努力車登坂

江湖後集卷十三

平讀畫齋正本

歲月驚心水下灘小小茆茨漁子舍星星鬢髮腐儒冠  
高山流水無窮思整頓瑤琴試一彈

過彭蠡湖

客子扁舟故里還煙收雨霽出蘆灣浮天浴日重湖水  
鎮浪回風四望山遠樹離離飛鳥外征帆點點斷雲閒  
漁翁活計一篷底愛汝白鷗相似閒

題水陸寺

殿樓邊翠麓窻戶俯青湘遊客匆匆去高僧白日長

題蒼筤

春花狼藉餘六出淨煩熱衲衣凝夜禪香散深林月

阮閣

陰陰松竹合幽鳥傍人啼一局枯棋罷曦輪又欲西

暮春聞張思順歸期

小園寂寞鎖青春桃李留花待主人青子已團濃綠底  
歸艤猶未到溪濱

陳宗遠

宗遠字與齋有寒窻聽雪集

擬古

江湖後集卷十三

王讀畫齋正本

蠶絲圖利人利成身已烹蛛絲圖網物網成身益完漢  
興弓犬棄楚亂蕭艾生禍福乃如此吾道烏能亨

有感

天道不殫立人爲天地心世無經濟學何以任彌綸沛  
興園綺隱淵啟虬髯驚漢唐造草昧數子畱其名我非  
煙霞徒息養離世氛我非雲水客眼空觀劫塵有身必  
有用用世非榮身善性自孟子惡性由荀卿氣質誠有  
駁良心乃其純苟卿言治氣孟子言養心治如治稊稗  
惡去善自生養如養佳穀善長惡亦亡善善而惡惡孟

荀同臭馨安用泥口耳紛紛爭異名寥寥數千載塵迹  
汗簡青麟死不可作紀例存其文世無公是非安得真  
勸懲西漢豈無人氣節冰霜清東漢豈無人長厚性質  
淳特立違時好心事竟埋堙紛紛瀾倒徒空羸身後名  
有感

異獸

甬東有異獸俗名訛曰獸其形類猴攫或謂虎之精逐  
人求口食呶啞小兒聲滿望乃謝去不遂輒生嗔利爪  
挽人目烏喙啄其身膏血盡且死適意方欠伸行道足  
一迹深山晝掩門衆疑心是獸何乃面如人不知椎剝  
吏人面而獸心

戲同舍與內競龍泉人

龍泉百氣清歐冶吐霞綺千將墮龜文莫邪潛漫理藏  
鋒金匣夜光芒銅花玉暈相磨砥雄雌一落東與西相  
從不隔千山水憶妾與君差池飛送君挾策游京畿暮  
雲空碧鴈度遠畫梁寂寞鷺來遲但願月宮分彩色豈

恨霜閨弄落暉君方倦羈旅妾亦厭粉土錦水鴛鴦巢  
漢林綺翼飛翔交媚嫵有時嬌妬不自持伴嗔不肖舒  
眉宇逢君貧困泣牛衣舉案低蛾似頑魯誰知志滿凌  
暴生剛腸便不愛卿卿望斷犢車揮塵急飽負虎嵎攘  
臂輕松柏故無情凌霄植根蒂柔蔓託高翹歲寒忻附  
麗何爲絲蘿親反有榮悴異昔日淚沾衣長嗔失意同  
寒飢今日衣擁淚翻怨得意由輕肥炎涼世態得失閒  
怨君卻悔嗔君時

夢遊月宮

壬辰省闈已中  
而黜因賦此

江湖後集卷十三

三讀畫齋正本

蜿蜒絳彩垂霄路白波渺渺散寒露橫空擲綺結飛梁  
駿黹青雲而風御颺金排玉水晶宮鸞佩霓袂笑相遇  
兔停玉杵取元霜吳質無端強猜妬窺見腰中三尺冰  
便疑斫卻婆娑樹桂香廣陌不得畱灼灼脩蛾謾回顧  
天孫飛梭織冰紈帝子吹笙溼香霧笑指瑤臺十二層  
只怕結鄰未相許激灩金樞煙水寒會駕飛輪撇波去

過橫遠途中

蠶桑事已過耕稼老農勤橋斷荒村兩山埋半嶺雲小  
松穿石出野水落田分茅店傾醅酒相看亦論文

病起

事業書千卷生涯菊一籬約君慳問卜多病頗知醫看  
鏡癯添骨接髭笑解頤閉門方得趣不誦北山移

送洪宰西歸少歌漁春渡是日風雨

博案題似有誤

送客來孤店疎軒竹數莖歸帆出煙雨羣吏立沙汀似  
我情何悄如君事最榮待無雲隔岸須看遠山青

寺深

寺深幽寂寂四月似秋天夜久聽山雨晚來添石泉斷  
巖風嘯木疎竹鳥棲煙鐘鼓林梢動空堂已罷禪

江湖後集卷十三

三函讀書齋正本

安仁樓閒晚晴時送默齋伯回星江

已是悲秋客那堪送遠人亂山殘照慘落葉晚風頻去  
恨隨帆遠回頭轉意親明朝相憶處鱗鴻達情真

呈豹林伯進齋表叔

曲徑禪房午幽風動古林泉聲落澗靜磬韻隔雲深空  
谷畱禽語青山洗客心頓然忘俗想來此不妨吟

資政入村造壽器謾賦

功成身退從來少綠野超然洗俗埃閒出西疇營六櫬  
勝傳南極映三槐迎門村婦攜兒拜遮道田翁帶犬回

競喜鳴珂歸舊隱，爭如鷗鷺不相猜。

八月初五日有懷舊事

看來擾擾總何謀，且把行藏用酒酬。  
籬菊趁陰移別徑，江風向晚落行舟。  
秋蟲在壁催人織，歸燕辭巢戀主愁。  
今日去年風物異，錢塘還在望山樓。

題蕭季賢雪澗軒

避喧寬結小茅廬，庭竹栽多引鳳棲。  
滿地松釵風嘯木，隔窻漁艇月涵溪。  
歸鴻目送雲閒失，賀燕巢成棟外底。  
料想春殘曾有夢，謝家芳草綠將齊。

江湖後集卷十三

圭齋畫齋正本

呈陳介叔

青帝東來駕綳轡，燒燈過後少晴天。  
逢春已辦穿花屐，阻雨先尋載酒船。  
但覺野雲生樹外，不知溪水漲灘前。  
落梅有恨香還溼，不得飛來傍舞筵。

春日書景

狼籍殘梅滿地香，遊蜂終日趁晴忙。  
芳堤細草鱗鱗綠，深院垂楊裊裊黃。  
暖霧未消山失木，春風無力曉侵裳。  
眼看景物關情甚，亟把詩吟送一觴。

冬晚

簷樂無風靜自鳴  
開牕亦復使眸醒  
投林倦鳥低翻翼  
觸紙癡蠅細有聲  
籬外半懸紅子落  
牆閒少見綠莎明  
陽生陰後春來近  
準擬新詩爲發萌

因雨遣興

細雨冥冥風頓淒  
微沾沙路不成泥  
珠排簷網凝絲重  
瓊積荷盤壓柄低  
青草岸頭三月暮  
黃梅葉外一山迷  
小塘水滿魚過塹  
塹隨浪流溝入古溪

春雨遣興

靜看何物不關情  
屋角青梅子已成  
巢拂舊塵迎社燕  
花移新樹欲流鶯  
寒生簾幙深春雨  
暖卜園林甚日明  
病起無聊休把酒  
東君去住亦堪驚

江湖後集卷三

三讀畫齋正本

題汪表叔對袁府起借軒和韻

朱門虛老濟川材  
鏡面芙蓉取次開  
莫怪偷光鄰士壁  
絕勝附火乞兒堆  
拂塵尚欠千尋竹  
極目何須百尺臺  
魚鼈不知誰是主  
也隨流水向東來

表叔所居  
面西故云

傳聞八月十四日唱名

北斗三魁夜吐芒  
競傳臚唱擢王楊  
遙知天上輪光滿  
先放人間桂籍芳  
失笑月烏空繞而  
那知雲鴈不成行

姮娥畱取十分好萬里清輝分外彰

代壽

自上黃樞贊萬機會將謀略定邊陲平淮便放裴公逸  
去越猶嫌范相遲激灩池塘蓮萬朵嬋娟亭館竹千枝  
居東賸有明農志歸袞應賡七月詩

代壽某帥二首

當年禁履上星辰便合登庸秉國鈞蓋海旌幢紆出鎮  
濟川舟楫已知津但從渤澥清沂泗肯把關河自越秦  
醞釀早成六月雨一朝翻手洗炎塵

江湖後集卷十三

毛讀畫齋正本

三年姬袞尚居東官府清平寇六雄仙洞蟠桃紅映日  
山亭脩竹綠梳風已將儒雅安時俗更卽人和驗歲豐  
儉幕棲身無以頌元龜遊戲出蓮叢

壽陳府博

三嶼榮紆秀且奇茗華琢采妙工倂高羅絳帳聲盈耳  
戲著斑衣笑解頤魚藻畱連依水密鳳簫準擬向陽吹  
的知梅信傳東閣先訪南宮第一枝

代壽帥書三首

欲看棠陰續世傳重移星履下鄞川風薰轅戟清官府

日暖瀛壺小洞天塞外不傳青海箭幕邊穩泛綠池蓮  
箇中便是神仙境何必崆峒訪偃佺

勳業從來簡帝聰東溟還復奏膚公庭前脩竹添新綠  
洞裏蟠桃依舊紅野渡橫舟人未老大川作楫路將通  
願觀整頓乾坤手不負當年射六蓬

笑談樽俎有餘歡不獨民安利亦安競喜鰕生兼盛賜  
那堪鶚表錄微官投機已發千鈞弩速化仍資九轉丹  
青眼相逢尤異處他年翹館舊門闌

郊祀慶成詩

江湖後集卷三

天讀畫齋正本

寶歷登三禩觚壇類兩儀居歆脩大報肇祀述前規景  
迓初陽吉齋嚴一月期采章循節儉緼豫屏紛離輅象  
停方貢兵驂卻道馳殊庭崇祀告太室款靈娛黃道晴  
曦麗青郊湛露滋龍常騰旒旖蜺羽勝葳蕤列戟森賓  
衛殿更警禁帷蒼圓尊上帝黃粹見方祇馥郁陽宮燎  
芬芳帝籍粢非煙浮羽籥叶氣冒尊彝濟濟鏘圓玉峩  
峩會采璫雲裙紛下逮月璧粲昭垂合奏諧純繹登歌  
美緝熙貳觴勤埃獻虛次迄親祠翊翊靈施佑穰穰嘏  
致祠招搖回左翽閭闔敞南離侍仗朝紳擁升樓禁蹕

隨臚驪皆岳抃驛赦需皇慈都號登瑤冊追思遺寶龜  
燕謀端有自鴻祉浩無私肅穆東朝賀登閣宣室釐慶  
綿千歲統歡奉萬年卮盛事輝三古龐恩被八維至誠  
深可卜滿假務深思兢業傳家法盈成猷慶基萬方巖  
表正九簣戒功虧帝壽齊南極邊塵靜北陲具臣懷美  
報成命繹周詩

送友人

黃梅浦遠草萋萋風細孤帆雨後低漁笛一聲何處作  
故山回首白雲迷

江湖後集卷十三

五言讀畫齋正本

憫農

條桑事了蒸麻急刈麥人兼種稻歸作苦那能衣食足  
幾多遊冶厭輕肥

謝石菴見示權歌歎時因以見意

蘆花裊裊西風急獨立高樓聞雁聲志士最傷秋夜月  
江南塞北兩般明

牽牛花

綠蔓如藤不用栽淡青花遶竹籬開披衣向曉還堪愛  
忽見蜻蜓帶露來

舟行

鷗鷺灘頭帆卸雨牛羊影外草生煙漁人撒網潮平晚  
柳岸維舟取次眠

靈溪舟中風雨

斜風吹雨打篷窗獨棹孤舟向曉江沙岸竹湍煙漠漠  
青山飛鷺一雙雙

黃敏求

敏求字叔敏修水人集名橫舟小橐或題詩其後

云涪翁之音調朱弦至今草木猶芳妍後來清氣

江湖後集卷十三

辛讀畫齋正木

有所屬鏗轟句法非雕鐫蕭飭序以爲其各體詩  
時出入於晚唐亦閒似楊誠齋不專主山谷云

野塘雜興

仕進固所願貧賤亦所憂抱璞不自珍適取則足游不  
如寂寞濱橫此野水舟時平儻可爲宵遜伊與周著書  
俟百世亦可軻與上進退兩不惡久矣吾其籌

地僻車馬稀柴門不須扃晨興正衣冠浣手供爐馨奈  
此日永何閒課離騷經一片蘭茝心千古日月明爾豈  
乏忠憤所欠惟和平要之仕與止奚必分重輕吾但適

吾可不願得爾名

別詩人余叔雲

萬柳堤邊住挑雲過艾東未應爲計左輕去犯詩窮雙  
屐江湖上清名宇宙中折梅作行供香已破椒紅

筆硯無靈久寒檠自掩門虛名何預我漫刺重煩君茶  
外無祇待詩邊得細論別懷莫兒女相祝張吾軍

時叔雲方

赴試

書齋

新闢書齋鶴柵寬一簾風月儘幽閒百年易向忙中過

江湖後集卷三

三讀畫齋正本

萬事偏於好處慳漫說折腰營斗米何如畱眼看雲山  
只看一卷梅花句畱得林逋在世閒

題陳箕谷陳楚逸吟藁

謝卻梅花吟課少苦無心事惱陶泓得君近日詩編讀  
增我晴窗眼力明爽似暑風秋九夏清踰夜月晝三更  
後山衣鉢塵埃久賴有雙英主夏盟

予丙子辛巳雨遊解空寺己亥秋又至思上人

徙舊徑自怪石中頓發奇觀叔亮弟取山谷詩  
文名閣曰卧龍巖曰青玉益山之門曰天下勝

處令泳之作隸扁爲賦七言

兩扣雲關記昔曾重來詩眼倍晶明路移巖石中閒入  
人在洞天深處行玉盞虛明添翠色霜鐘清冽帶秋聲  
與君小摘涪翁句畱得青山不朽名

涼棚

未庚赫日已焚空亭午西齋坐甌同橫竹旋排蒼葉密  
小牕移在綠陰中情知瑣碎妨新月稍喜牽連得暑風  
分我清涼詩境界一蟬吟到夕陽紅

經理順寧別墅

江湖後集卷十三

三讀畫齋正本

未別餘資辦草廬先從意匠起規模某池宜植荷千柄  
此地合栽梅幾株怕礙看山牆矮築要寬種菊徑深鋤  
林泉隨分成幽趣誰計東郊入畫圖

書鄭亦山冷澹生活

九陌紅塵不肯居攜家租屋住西湖月香水影賡和靖  
雨色晴光憶大蘇詩比晚唐成冷淡人如東野更清臞  
晴窗盡展芳編看一片寒冰浸玉壺

遊落星寺

星江山水甲江東所到僧房各不同拳石不知何代隕

數椽恰占一湖中廬山屏倚朝昏碧彭蠡帆分上下風  
除卻金焦相伯仲其他無此水晶宮

柳絮

近日柔絲可著鴉又分晴絮落天涯絕無氣力元非雪  
空費形容不是花便解與春遮去路也添爲客重思家  
雨餘畱得閒蹤跡綠浮萍夜聽蛙

寄題靈川簿廨存愛堂二首

一命如何解濟人細看存字最精神莫專紙上求明愛  
曾次渾涵不盡春

江湖後集卷三

三讀畫齋正本

愛無差等墨之徒理一由來分則殊愛只是情仁是性  
合於仁上著工夫

初秋白雲道院

檜柏株樟竹與松四山互長翠陰濃逼教秋暑無來路  
翰與山僧坐晚鐘

莫道秋容冷淡加秋英風露勝春葩拒霜巖桂休相遜  
占得開時各自花

閒來汲水浸菖蒲淨洗塵埃半點無濯得老根如法瘦  
養教矮葉十分臞

次鄭亦山求茶韻

山谷松風賦響湯茗甌今帶六經香君詩莫道窮無對

高出車聲遶九羊

車聲遶羊腸山谷煎茶詩前輩云黃九得低窮亦山有君未知人窮相事

戲之句因

訊黃乙山於壽寧亭

客中聽雨況僧寮盡日無人訪寂寥一枕秋聲供痛快

隔窻風裏有芭蕉

草草茅亭古木閒萬琅玕裏一禪關秋陰只俟風收盡

分我浮生半日閒

江湖後集卷十三

讀書畫齋正本

水墨水仙

玉潤金寒情窈窕縞裙翠帶態輕盈只愁微月清無對

更畫梅礬作弟兄

古香亭

矮屋簷前老桂叢清陰分破廣寒宮誰知萬古香無價

藏在黃金一粟中

鵝黃雪綴碧瑤枝占斷風高露下時吏散予方有公事

嚼花斟酒古香詩

江湖後集卷十三

